

Headlines

- 1 प्रधानमंत्री नरेंद्र मोदी होंरें आखेआ जे बाबा साहेब हुंदे आदर्श सरकारै दा मार्गदर्शन करदे रौहडन।
- 2 जम्मू-कश्मीर च बी डॉ. बी.आर अम्बेडकर हुंदी जयंती जोश-जज्बे कन्नै मनाई गेई।
- 3 उपराज्यपाल होंरें आखेआ ऐ जे जम्मू-कश्मीर च निर्माण सरबंधी ढांचा बदा करदा ऐ। नमियां परियोजनां आत्मनिर्भर जम्मू-कश्मीर दे मिशन गी रफतार देडन।
- 4 गृह मंत्री अमित शाह होंरें आखेआ ऐ जे त्रै नमें आपराधिक कनून 21मीं सदी दे सब्बनें शा बड्डे सुधार ना।
- 5 रूस नै UNSC च पक्की सीट ताई भारत दी दावेदारी लेई अपना समर्थन दोहराया।

PM-Haryana

प्रधानमंत्री नरेंद्र मोदी होंरें आखेआ ऐ जे राष्ट्र अज्ज बाबा साहेब होंरेंगी शरदांजलि देआ करदा ऐ ते उन्दे आदर्श सरकार दा म्हेशां रहनुमाई करदे रौहडन। हरियाणा दे हिसार च इक्क अवामी जलसे गी संबोधित करदे होई प्रधानमंत्री होंरें आखेआ जे जंदे 11 बरें थमां बाबा साहेब दा जीवन उंदी जद्दोजहद ते उंदा अमर स्तेआ सरकार दी जात्तरा दा आधार रेआ ऐ। श्री मोदी होंरें आखेआ जे हर दिन लैते गेदा फैसला ते बनाई गेदी हर नीति डॉ. अम्बेडकर हुंदे आसेआ दस्सी गेदी दिशा बक्खी इक्क गैं ऐ। बाबा साहेब होंरेंगी शरदांजलि दिंदे होई प्रधानमंत्री होंरें आखेआ जे उंदी जयंती दलितें, बगौरे ते हाशिये पर रवा करदे लोकें लेई देयाली आहला लेखा ऐ। उंनें गलाया जे उंदे मंत्र मताबक कम करदे होई श्री कृष्ण जी दी जन्म भूमि थमां भगवान राम दी जन्मभूमि अयोध्या तगर हवाई सेवा रम्भ होई गेई ऐ। प्रधानमंत्री होंरें वक्फ कनून च कीते गेदे हाल दे बदलावें दा बचा करदे होई आखेआ जे एहदे कन्नै गरीब मुसलमानें गी लाह होग ते जनजातीय जिमी दी हिफाजत होग। उंनें आखेआ जे वक्फ कनून पर चर्चा नेकां मुस्लिम विधवाएं आसेआ सरकार गी खत लिखने मगरा रम्भ होई। श्री मोदी होंरें आखेआ जे वक्फ कनून च बदलाव कन्नै मुसलमानें दे शोषण पर रोक लगगोग ते गरीब पच्छडे दे मुसलमानें गी उंदे हक

थ्होंगन। एहदे शा पैहले प्रधानमंत्री होरें हिसार ब्हाई अड्डे पर अयोध्या लेई कारोबारी डोआरी गी रवाना कीता ते नमीं टर्मिनल ईमारत दा नींह पत्थर रक्खेआ।

<><><><><><>

Ambedkar Jayanti

समूलचा देश अज्ज भारतीय संविधान दे मुख्ख निर्माता डॉ. भीमराव अम्बेडकर हुंदी 134मीं जयंती पर उनेंगी श्रद्धा दे फुल्ल भेंट करा करदा ऐ। इस मौके दैसै च नेके कार्जक्रमें दा सरिस्ता कीता गेदा ऐ। राष्ट्रपति द्रोपदी मुर्मू, उपराश्ट्रपति जगदीप धनखड़, प्रधानमंत्री नरेंद्र मोदी, लोकसभा अध्यक्ष ओम बिरला, राज्यसभा दे उपसभापति हरिवंश, राज्यसभा च सदन दे लीडर जे.पी नड्डा, राज्यसभा च विपक्ष दे लीडर मल्लिकार्जुन खड़गे, लोकसभा च विपक्ष दे नेता राहुल गांधी, केंद्री मंत्रियें ते सांसदें सने आम लोकें अज्ज संसद भवन परिसर च डॉ. बी.आर अम्बेडकर हुंदी प्रतिमा पर फुल्ल चाढिये उनेंगी भावें भरोची श्रद्धांजलि दित्ती।

<><><><><><>

Ambedkar Jayanti-J&K

भारतीय संविधान दे मुख्ख निर्माता डॉ. बी.आर अम्बेडकर हुंदी 134मीं जयंती जम्मू-कश्मीर च बी जोश जज्बे कन्नै मनाई गई जित्थे सियासी ते समाजी गुटें सने बक्ख-बक्ख लोकें उनेंगी भावें भरोची श्रद्धांजलि भेंट कीती। मुख्ख समारोह अम्बेडकर चौक जम्मू च लगा जित्थे देशभक्ति गीतें ते प्रेरक भाशणें बश्कार बाबा साहेब होरें गी शरदांजलि दितती गई। उपराज्यपाल मनोज सिन्हा ते मुख्ख मंत्री उमर अब्दुल्ला होरें बी डॉ. बी.आर अम्बेडकरी हुंदी जयंती दी पूर्व संज्ञा लोकें गी शुभकामनां दित्तियां। उपराज्यपाल होरें अपने स्नेह च आखेआ जे भारतीय संविधान दे मुख्ख निर्माता बाबा साहेब होरें भारत दे भविक्ख गी आकार देने च महत्वै आहली भूमिका निभाई ते साहदे राष्ट्री जीवन ते समाज पर कदें नेई मिटने आहली छाप छोड़ी। मुख्खमंत्री उमर अब्दुल्ला होरें अपने स्नेह च आखेआ जे डॉ. अम्बेडकर होरें अपना सारा जीवन दबोए-लतडोए ते बेगौरे तबके गी उब्बडा चुक्कने च लाई दित्ता।

<><><><><><>

Ambedkar-Udh.

अम्बेडकर वेलफेयर ट्रस्ट उधमपुर नै बी जोश जज्बे कन्नै अम्बेडकर जयंती मनाई जेदे च ज्हारें बद्दे लोक शामिल होए। मुख समारोह अम्बेडकर चौक पर लग्गा। इत्थे जम्मू-कश्मीर दे जनजातीय मामलें दे मंत्री जावेद अहमद राणा मुख परौहने हे जिल्ले के उधमपुर दियां डी.सी सलोनी राय होरें बतौर मानजोग परौहनियां कार्यक्रम च शिरकत कीती।

<><><><><><>

Ambedkar-Kathua

रविदास सभा कठुआ च बी भारतीय संविधान दे संस्थापक डॉ. बी.आर अम्बेडकर हुंदी जन्म जयंती पर भावें भरोची श्रद्धांजलि भेंट कीती गई। गुरू रविदास कमेटी ते बुद्ध महासभा नै श्रद्धांजलि समारोह दा सरिस्ता करियै बाबा साहेब गी श्रद्धांजलि भेंट कीती। कार्यक्रम च मते सारे लोकें भारतीय संविधान पर लो पाई जेड़ा सब्बनें गी इक्क बरोबर अधिकार दिंदा ऐ।

<><><><><><>

Ambedkar-Samba

विजयपुर कस्बा अज्ज बेशुमार उर्जा, मान ते जोश कन्नै उस्सलै लबरेज होई गेदा हा जिस्सले ज्हारें बद्दे लोक भारती संविधान दे निर्माता ते समाजी न्याऽ दे प्रणेता भारत रत्न डॉ. बी.आर अम्बेडकर हुंदी 134मीं जयंती मनाने लेई किट्टै होए। एह कार्यक्रम इक्क शानदार समाजी सांस्कृतिक कार ते बाइक रैली “पे बैक टू सोसायटी” दे स्वयंसेवियें आसेआ आयोजित कीते गेदा हा। समारोह च बुजुर्ग, नौजवानें, महिलाएं ते विद्यार्थियें सने बड़ी मती गिनतरी च लोकें शामिल होइयै बाबा साहिब गी श्रद्धांजलि दिती।

<><><><><><>

LG-Industry

उपराज्यपाल मनोज सिन्हा होरें अज्ज कठुआ च सुपीरियर पॉलीमर इंडिया प्राइवेट कांफ्रेंसिंग रायं उद्घाटन कीता। उनें गलाया जे इस परियोजना दा रम्भ होने कन्नै मकामी अर्थ बवस्था ते रोजगार पर सकारात्मक असर पौग। श्री सिन्हा होरें आखेआ जे जम्मू-कश्मीर दा निर्माण ढांचा बदा'रदा ऐ ते औद्योगिक विकास गी समर्पित अज्जै आहली परियोजना आत्मनिर्भर जम्मू-कश्मीर दे मिशन गी रफ्तार देग। उपराज्यपाल होरें दोहराया जे प्रधानमंत्री नरेंद्र मोदी ते गृहमंत्री अमित शाह हुंदी रहनुमाई च अस्स जम्मू-कश्मीर च औद्योगिक क्षेत्र दी तरक्की लेई बचने बज्जे दे आं। ध्यानजोग ऐ जे 75 करोड़ रुपें दी रास पूंजी कन्नै स्थापित इस इकाई कन्नै रोजगार दे नेकां मौके पैदा होडन।



Shah-Laws

गृह मंत्री अमित शाह होरें आखेआ जे त्रै नमें आपराधिक कनून 21मीं सदी दे सब्बनें शा बड्डे सुधार न ते सरकार देसै दी न्याऽ प्रणाली गी लोकें पर केंद्रित ते वैज्ञानिक बनाने दी कोश्ट करा करदी ऐ। अज्ज नमीं दिल्ली च अखिल भारतीय फोरेंसिक विज्ञान शिखर सम्मेलन गी संबोधित करदे होई श्री शाह होरें आखेआ जे सरकार सब्बनें गी समें पर न्याऽ दोआने ते न्याऽ कन्नै राजी होने बक्खी कम्म करा करदी ऐ। उनें गलाया जे देसै दी आपराधिक न्याऽ प्रणाली गी निगगर करने च फोरेंसिक साइंस मती कारी दी ऐ। श्री शाह होरें आखेआ जे विजन फोरेंसिक साइंस दे समें पर न्याऽ ते मते मामलें च सजा दोआना मुमकन नेई ऐ। तोआई, केंद्री मंत्री अमित शाह होरें आखेआ जे मोदी सरकार नशीले पदार्थें दी तस्करी करने आहलें दे नेटवर्क गी तगड़ेयाई कन्नै खत्म करा करदी ऐ। इक्क सोशल मीडिया पोस्ट च श्री शाह होरें आखेआ जे देसै दियां एजेंसियें अंतरराष्ट्रीय समुंद्री सरहद कश 1 ज्हार 800 करोड़ मुल्ल दे 300 किलो नशीले पदार्थ जब्त कीते न।



Russia-India

रूस नै संयुक्त राष्ट्र सुरक्षा कौंसल च स्थायी सीट लेई भारत दी कोशशें दा परतियै समर्थन कीता ऐ। उनें एब्बी मेद प्रगट कीती ऐ जे दौनें मुल्ले बशकार आने आहले बरें च आपसी भ्याली लगातार बददी रौहगा। कूटनीति सरबंध कायम होने दे 78 बरे पूरे होने पर टैलीग्राम च सांझा कीते गेदे इक्क स्नेह च यस दे विदेश मंत्रालय नै इस मौके पर भारत गी ममारखां दित्तियां न। रूस नै भारत कन्नै सरबंधत ते दोस्ती मित्री आहले रिश्ते होर तेजी कन्नै मजबूत होने दा भरोसा जताया ऐ।



OP-Chatroo

किश्तवाड़ दे छात्रू च आतंकवादियें दी तलाश सरबंधी कार्रवाई अज्ज 6में रोज बी जारी ऐ कीजे घनें जंगले च तपाशी अभियान लगातार चला करदा ऐ। जंदी रातीं इलाके च विस्फोट ते गोलीबारी होई ही। इस टाकरे च अजे तोड़ी सुरक्षाबले 3 आतंकवादियें गी मारी मकाया ऐ। टाकरे आहली थाहरा दा एम-4, एके 47 समेत हथियार ते असला बरामद होआ ऐ। जम्मू-कश्मीर असेंबली च विरोधी धड़े दे लीडर सुनील शर्मा होरें सुरक्षाबले दी उपलब्धियें दी तरीफ कीती। उनें मेद प्रकट कीती जे जम्मू-कश्मीर च तौले गै सब्बनें आतंकवादियें दा सफाया होई जाग।



Ex-Serviceman-Strawberry

उच्च म्यारी बागवानी गी बढ़ावा देने ते करसाने दी आमदन गी दुगना करने सरबंधी केंद्र दी योजना तैहत रियासी जिले दे डेरा गां दे साबका फौजी जितेंद्र सिंह होरें गी स्ट्राबेरी दी खेती करने दे नमें मौके हासल होए न। जितेंद्र सिंह होरें पैहले राष्ट्र दी सेवा कीती ते हून उसै समर्पण कन्नै राई-बाई करा करदे न। ओहू सरकार दी सहायता कन्नै स्ट्राबेरी दी खेती करा करदे न।



Fire-Jammu

अगग साहलने आहले मैहकमे दा जम्मू दे गांधी नगर आहले मुख्यालय च अग्निशमन सेवा दिवस मनाया गेआ तां जे मैहकमे दे अमले दी दिलेरी ते बलिदान गी सम्मानित कीता जाई सकै। एहू ध्याड़ा हर बरै उनें लोकें गी चेत्ता करने आस्ते मनाया जंदा ऐ, जिनें दुएं गी बचांदे होई अपनी जिंदु दा बलिदान देई दित्ता। कार्यक्रम दौरान फायर ते अमरजेंसी सेवा दे निदेश ए.डी.जी.पी आलोक होरें मीडिया गी संबोधित कीता।



Fire Udh.

उधमपुर च फायर ते अमरजेंसी सेवा सरबंधी मैहकमा फायर सेवाएं मुतल्लक हफ्ता मना करदा ऐ। इस सप्ताह दी शुरूआत अज्ज होई, एहू इस म्हीने दी 20 तरीक तोड़ी चलोग। एहू सप्ताह मुल्ख भरै च मनाया जा करदा ऐ। एहूदा मकसद अगग लगगने कोला बचाऽ ते सुरक्षा बारै जागरूकता फैलाना

